

Ny Valosoa sy hadihady

Raharaha Ikongo

Tokony hiala ny ministry ny fiarovana, ny fitsarana, ny polisy ary ny zandary

Raharaha fandripahana olona tany Ikongo faritra Fitovinany, tokony hiala ireo ministra tompon'andraikiray ny filaminana sy ny fandriampahalemana eto amintsika dia ny ministry ny fiarovam-pirenena, ny ministry ny fitsarana, ny ministry ny polisy ary ny sekreteram-panjakana misahana ny zandarimariam-pirenena, satria tsy mahavita ny adidiny intsony izy ireo. Raha ny hamoritra ny tsy mitovy hevitra amin'ny fitondrana dia hain'izy ireo izany, fa raha hitandro ny filaminana sy ny fandriampahalemana manerana ny Nosy mihitsy dia azo lazaina ho aotra (0) ny naoty, na ny isa azo omena azy ireo. Raha vao misy ny hetsiky ny mpanohitra, na ny hetsiky ny tsy mitovy hevitra amin'ny fitondrana, rezimanta be tsy misy toy izany no hahetsika: OMC mihitsy, izany hoe vondron'ny mpitandro filaminana: miaramila, zandary ary polisy avy hatrany no hehet-sika hanakana ny hetsika fanehoan-kevitra am-pilaminanana atao. Misy ny baomba mandatsa-dranomaso na lakrimōzena sy bala fingotra ampiasain'izy ireo. Fa nahoana tamin'ny hetsiky ny vahoaka tany Ikongo, tsy nisy izany baomba mandatsa-dranomaso izany, na bala fingotra, nanaparitahana ireo vahoaka nitaky ny famoahana ireo jiolahy hatao fitsaram-bahoaka, fa tonga dia bala tena izy no nitifirana ireo mpanao fihetsiketsehena tany an-toerana. Tompon'andraikiray tsy afa-miala amin'izany ny ministra rehetra misahana ny filaminana sy ny fandriampahaelmana dia ny ministry ny fiarovam-pirenena, ny ministry ny polisy, ary ny misahana ny zandarimariam-pirenena. Dokotera ao aorian'ny zavatra efa mitranga, mba tsy ilazana hoe dokotera ao aorian'ny fahafatesana hatrany izy ireo, toy ny nitranga tany Ambolotarakely Ankazobe, ny tany Ifanadiana, ary izao tany Ikongo izao. Efa nahavita ny zava-dratsy nataony hatrany ny jiolahy, vao mody mandray fapanan-kevitra izy ireo. Manginy fotsiny ireo miaramila,

zandary, polisy tsy voafehy amin'ny asany. Ny any antampony mihitsy no matsatso matoa mivoana ireo olom-pehezin'izy ireo. Vao omaly no ho omaly no nanao ny nataony ny zandary kôlônely iray talen'ny kabinetran'ny faritra tany Maintirano faritra Melaky. Namaky ady tamin'ny polisy, namoaka ny mpampiliny tany am-balal-pamonjana kely na violon. Miaramila roa namono zandary tany Imerintsiatosika distrik'an'Arivonimamo faritr'Itsy andro maromaro lasa izay, raha tsy hilaza afa tsy ireo. Manao ny ataony ireny miaramila madinika na lehibe ireny, satria ny avy any an-tampon'ny fifehezana mihitsy no tsy mahafehy ilay resaka filaminana sy fandriampahalemana intsony. Momba ny ministry ny fitsarana indray, efa viana maromaro no nandalo teto amintsika ny rivo-doza ka nahasimba ny fonjan'lkongo, nahoana no tsy namboarina izany, fa ny fonjan'i Sainte-Marie any amin'ny faritra Analanjirofo indray, no nahamaika ny nanao sy ny nandoko azy ho volon-daoranji? Vokany, gadra maro efa ho 100 mahery no nivoaka ny fonjan'lkongo, tsy nandositra, fa nivoaka fotsiny tam'in'zao, satria malemy ny fefin'ny fonja. Ny gadra nandositra ny fonjan'i Farafangana faritra Atsimo Atsinanana volana maromaro izay, maro amin'izy ireny no mbola tsy voasambatra dia izao indray voafonja maromaro any lkongo mbola tsy tratra. Ny dikany, misy zavatra tsy milamina mihitsy ao amin'ny ministeran'ny fitsarana ao, ka fahendrena no mameatra-pialana ihany koa ho an'ny ministry ny fitsarana. Raha tena hendry sy manaraka ny fenitra Repoblikana ireo ministra 4 misahana ny filaminana sy fandriampahalemana eto amintsika ireo, tokony hahatsapa tena izy ireo ka hanipy gant na fonon-tanana, satria izy ireo mihitsy no efa tsy izy intsony. Am-bava homana ampo mierotra !

Ny Valosoa

FAMOIZANA AINA SY NARATRA TANY IKONGO

Samy mena ny firenena sy ny mpitandro ny filaminana

Ny depioite Fetra Razafitsimalona.

sotra ho azy ireo jiolahy na dia tsy mbola mahatapitra ny fe-potoana any am-ponja aza. Tsy voafehy intsony ny fandriampahalemana eto amintsika hoy ity solombavambahoaka ity ary mitaintaina ny mponina mano-

loana ireo tranga samihafa eto amintsika. Na nilamina aza ny fitifirana hoy izy dia tokony natao koa ny fifampiresahana mba tsy hitera-doza toy ireny. Nanamafy ihany koa ny solombavambahoaka Ramboasalama Emilien

fa tsy voahaja intsony ny zon'olombelona ary tsy misy vidiny ny aina afoy toy ireny nitranga tany lkongo ireny. Vokatry ny fahantrana sy ny fitiavantena io hoy izy ka tsy ny toerana nisy ny mpitandro ny filaminana tany lkongo ihany no mena, fa efa menamena avokoa ny fianan'ny vahoaka malagasy ankehitriny raha tsy hiresaka afa-tsy ny vidi-piaianana tsy zakan'ny fahefamividin'ny vahoaka ankehitriny. Miandry izay tena fatokisana sy fanjakana tsara tantana sy hanjak'ny fahamarinana ny vahoaka malagasy hoy izy ary ho tsaraina amin'ny fididianana manaraka io amin'ny taona 2023.

Ny Valosoa

Mpienatra ao anatin'ny Grand Sud-Est Fédéral Fianarantsoa

Manameloka ny vonomoka tany lkongo

Nisalotra akanjo mainty ny Alakamisy 1 septambra lasa teo ireo mpianatra ny Universite ao Fianarantsoa ao anatin'ny Grand Sud-Est Fédéral izay ahitana an'i Vatovavy-Fitovinagny-Atsimo Antsignana, ho fisaonana

sy fanehoana fiarahamiori amin'ireo mpiray taindratana any lkongo, tamin'ny nahafatesana ain'olona maro ny alatsinainy teo. Manameloka ny famonoana na fana-lana ain'olona amin'ny endriny rehetra izahay, hoy

ireo mpianatra tamin'ny fanambarana nataon'izy ireo. Koa mangataka amin'ny fanjakana ny ha-naovana fanadihadiana lalina amin'ity raharaha ity : ny amin'ny niandohany sy ny antony nampisy izao zavatra mampala-

helio izao. Tany tan-dalàna i Madagasikara, ka aoka hihatra amin'ny rehetra ny lalàna, hoy hatrany ireto mpianatra ireto.

Helisoa

NY TENY FIAINANA



"Izaho no mofon'aina."

Jaona 6:48

Fifidianana amin'ny taona 2023

Fidio aloha ny sefo fokontany hoy Alain Ratsimbazafy

Manoloana ny fanavaozana ny lisi-pifidianana eto Madagasikara izay niteraka resabe tamin'ny fididianana fary teo teto Madagasikara dia naneho ny heviny ny solombavambahoaka Alain Ratsimbazafy voafidy teny amin'ny distrik'an' Antananarivo atsimondrano fa tokony soloina amin'ny alalan'ny fididianana aloha ireo sefo fokontany fa tsy tendrena toy ny teo aloha intsony. Misy akony amin'ny fatokisan'ny vahoaka amin'ny fididianana mantsy izay sefo fokontany lanim-bahoaka satria mba mihena amin'izay ny hala-bato. Raha tsiahivina mantsy dia miainga eny anivon'ny fokontany ny lisy ny mpifidy ary tonga any amin'ny ambaratonga samihafa. Anisan'ny sakana amin'ny tsy fahavirihana ny olona tonga mifidy mantsy ny lisi-pifidianana satria tsy matoky ny vahoaka. Andrasana arak'izany ny fandrainasan'ny fanjakana andraikitra momba ity fididianana sefo fokontany ity satria antokyo ny fahamarinana sy ny fangarharana io manoloana ireo hosoka sy hala-bato mateti-pitranga teto amintsika.

Ny Valosoa



Ny depioite Alain Ratsimbazafy.

Faha-20 taonan'ny antoko TIM tany Soavinandriana

Natomboka tamin'ny lalao baolina kitra ny fankalazàna

Mbola ao anatin'ny fanamarihana ny faha-20 taonan'ny antoko Tiako i Madagasikara, dia hetsika ara-panatanan jahantena no nanombohan'ny antoko Tim ny fankalazana tao amin'ny kaominina Soavinandriana, distrik'an' Manjakandriana. Zatovolahy 14 hatramin'ny 16 taona no handray anjara tamin'izany izay notanterahina tao amin'ny kianja Ambalanirana ny sabotsy teo. Natao izao mba anehoana fa velona ny antoko hoy Rafredy filozan'ny komtim Soavinandriana ary tsy hijanona hatre akory ny hetsika fa mbola hitohy hatrany. Nilaza ihany koa ity filohan'ny komtim ity fa vonona hifidy sy hampan-dresy ny antoko tim ny vahoakan'ny kaominina Soavinandriana amin'ny fididianana mifanesy eto Madagasikara.

Raj

NY VALOSOA

Gazety misého intelo isan-kerinando VAOVAO

Dokam-barotra

Tel. 034 79 076 00

gvalosoa@yahoo.com